



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1656

§. 207. Et postquam illuserunt ei. v. 20.

urn:nbn:de:hbz:466:1-45533

AH! quam deformis effectus hic est pulcherrimus omnium creaturarum? quam elegantissima Christi facies omni decore & specie delicta est, utpote ex verberibus & plagiis, quibus ea nocte nimis affecta erat, tumidaque vnguium lacerationibus diuisa, nec non sputis à blasphemantibus commixta in ea fluentibus, turpiter defœdata! mihi hic certè vox hæret, & animus liquecit.

§. 206. Et ponentes genua adorabant eum. v. 19.

Ista est 4. scena, quâ iam sputis, quasi tributis ditatum Dominum simularunt se recognoscere quasi potentem & diuitem benefactorem, & ideo se ambiere eius gratiam, quam genuflexione & adoratione vellent sibi promereri, quam ludicre, quam scurriliter vero ista genuflexio, & adoratio sit exercita, qui nouit scurrarum inuenta potest æstimare.

TU ergo Domine qui ista pro me passus es, da obsecro semper interius indefictem in omni mea dehonoratione patientiam, memoria & laus tua non recedat de ore meo. Misericordia Domine miserere mei & adiuua me sicut tu nosti, quod mihi est necesse in corpore & anima, scis enim omnia, potes omnia qui viuis in sæcula. Quod vero hactenus sepe neglexi, te adorare mane, & adorare vesperi, & ante ac post cibum, & alijs condignis temporibus, pro hoc meo defœto offero tibi omnium SS. tuorum in caelo laudes, & creaturorum omnium benedictio.ies.

§. 207. Et postquam illuxerunt ei. v. 20.

Finitus est Sannionum istorum Actus secundus, nunc tertius inchoatur, in quo ijdem simulant se, tanquam milites cum Rege suo nouo velle exire ad bellum, considerans igitur S. Marcus, quomodo egissent hactenus cum Domino suo, concludit in summa omnia dicta & vocat illusionem, quæ quâ soleat nos homines amaricare, quantum grauare cordis cogitationes, optimè norunt, qui aliquando sunt illusi. Dolor ille est ad mortem, & zelum æternum. Illudere enim non est aliud, quam aliquem pro infano & stulto habere. hoc nemo ingenuus viribus naturæ ferre potest.

Quapropter ad te Deum protectorem meum configio; illumina quæso interiores oculos meos ut nunquam illudam alijs, multo minus te, corroborata vires meas ut vincere possim zelum meum si quando illudar, maxime quando proprie te. Munda cor meum, accende spiritum meum, intellectum illumina, cogitationes collige, omnesque vires meas vni, & constringe ut cœlo amoris & compeditibus timoris tui, ut nunquam à te possim abalienari propriæ illusiones, sed semper tibi subditus, semper vni-

T

tus

tus sim, tibi absque defectu adhæream, te timeam & amem, tibi gratias agam, te laudem & benedicam hic & in perpetuum. Amen.

§. 208. Exuerunt eum purpura. v. 20.

Quando Duces & Reges ad bella procedunt, runc solent saepius habitum Regalem mutare, ne a quolibet nauci homine agnoscantur & in ipsos uti cor exercitus collimetur ad mortem. Hanc cæmoniam etiam fanniores isti in Christo Domino nostro voluerunt exprimere & ideo purpura eum exuerunt, quibus verbis & modis id fecerint ridiculi illi, cogitet deuotus Christianus, qui talia aliquando in Depositionibus Scholasticorum spectauit.

Domine Iesu, istam purpuram si contingeret nos obtinere, omnia aurum & argenti vasa & omnem monetam & vestes pro ea offrremus, tam nobis cara capitur esse, quia tu eam sanctificasti, tuo attractu quicquid enim tu tangis sanctificatur. O purpura si tu intellexisses in quo homine tu fuisses suspensa certe nunquam ab eo te diuelli passa fuisses, sed pertinaciter adhaesisses ei in æternum.

§. 209. Et induunt eum vestimentis suis. v. 20.

Jam regali habitu spoliatus erat Dominus, & quod dederant milites, subito etiam abstulerant, cum suis iterum induitur indumentis. Nolebant Iudæi ut Christus crucifigeretur in purpura, ne posteri dicerent, eos Regem Iudeorum crucifixisse, sed exuentes eum purpura, curarunt induitum vestimentis suis, toga scilicet inconsutili, & alijs, ut in his educeretur ad conflictum cum diabolo, de mundi principatu occupando.

Bene, & valde, bene facitis Iudæi, quod Saluatorem exutum purpura, suis pristinis induitis vestimentis, quia sic obstruitis ora loquentium mendacia, quasi non ille Christus qui pertransiit benefaciendo, sed alijs passus fuisset. Ecce si non ex facie, certe ex veste agnoscipotest sic vos ipsi regnum Christi promouetis nescientes.

§. 210. Et educunt illum ut crucifigerent eum. v. 20.

Postquam omnia quæ excogitari poterant malitia & nequitia in Domino exercuerant, eum capiendo sine causa, ligando, falso accusando, castigando, flagellando, coronando, cum iniquis comparando, morti ad iudicando, multoties induendo & exuendo varijs & stultis vestibus, ut dolores continuo innouarentur, nec mors secura usque huc, eam omnino iam irrogatam volunt & quidem amarissimam & ignominiosissimam crux, quæ ut sequatur de facto eum iam educunt, propria onerantes vulnera-